

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
OPĆINA NOVI GRAD SARAJEVO
OPĆINSKI NAČELNIK

Broj: 02/12-23-25748/18
Sarajevo, 29.01.2019.godine

Na temelju člana 24. stav (1) tačka a) i 70. Zakona o javnim nabavkama ("Službeni glasnik BiH", broj 39/14) i člana 14. Pravilnika o nabavci roba, vršenju usluga i ustupanju radova broj 09-05-26263/15 od 27.11.2015.godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/125-05-10708/18 od 16.05.2018.godine, a na preporuku Komisije za javnu nabavku radova, Općinski načelnik d o n o s i:

O D L U K U

o dodjeli ugovora i odabiru najpovoljnijeg ponuđača

I Prihvata se preporuka Komisije i ugovor u predmetu „Izvođenje dodatnih radova na izgradnji parkinga sa parkomatom u sklopu Centra za edukaciju, sport i rekreaciju „Safet Zajko“ u Halilovićima po osnovu ugovora br. 02/12-23-22593/17 od 02.03.2018.godine“, dodjeljuje se ponuđaču Konzorcij: Process Control doo Sarajevo i Bosman doo Sarajevo sa iznosom konačne ponude 31.277,61 KM sa uračunatim PDV-om.

II Otvaranje i analizu ponuda provela je Komisija za javnu nabavku radova (u daljem tekstu: Komisija), u skladu sa odredbama Zakona o javnim nabavkama. Zapisnik sa otvaranja ponuda, zapisnik o pregovaranju i Zapisnik o radu Komisije sa preporukom za dodjelu ugovora u spisu.

III Zadužuje se Služba za zajedničke poslove, da obavijesti učesnika pregovaračkog postupka o prihvatanju ponude, a u skladu sa datim Zapisnikom o radu Komisije i preporukom za dodjelu ugovora, te nakon isteka žalbenog roka pripremi prijedlog ugovora i u predviđenom zakonskom roku dostavi odabranom Izvođaču na potpis.

IV Obavezuje se grupa ponuđača iz stava I ove Odluke da u roku od 5 dana od prijema obavijesti o rezultatima postupka, dostave dokumente navedene u tački 7. tenderske dokumentacije u skladu sa članom 45. stav 2. tačka od a) do d) Zakona, ne starije od tri mjeseca računajući od momenta dostavljanja ponude.

Obrazloženje

Uvidom u dostavljeni izvještaj o radu Komisije i preporuku za dodjelu ugovora konstatovano je sledeće:

Tokom realizacije Ugovora broj 02/12-23-22593/17 od 02.03.2018.godine o Izvođenju radova na izgradnji parkinga sa parkomatom u sklopu Centra za edukaciju, sport i rekreaciju „Safet Zajko“ u Halilovićima, javila se potreba za izvođenjem dodatnih radova.

Opravdanost provođenja pregovaračkog postupka utvrđena je na osnovu mišljenja stručno-tehničkog nadzora br. 105-11/18-N od 20.11.2018.godine i dostavljenog Obrazloženja Službe za investicije i komunalne poslove br. 02/08-23-6588/18 LK od 10.12.2018.godine. Navedenim aktima potvrđena je opravdanost izvođenja dodatnih radova.

U vezi sa tim, Služba za investicije i komunalne poslove obratila se sa Zahtjevom za odobravanje nabavke, nakon čega Služba za zajedničke poslove upućuje Zahtjev za pokretanje postupka javne nabavke broj 02/12-sl od 21.12.2018.godine Općinskom načelniku.

Postupajući po gore navedenim zahtjevima, a u skladu sa članom 18. stav 1) Zakona o javnim nabavkama („Službeni glasnik BiH broj 39/14“) Općinski načelnik donio je Odluku o pokretanju postupka javne nabavke za „Izvođenje dodatnih radova na izgradnji parkinga sa parkomatom u sklopu Centra za edukaciju, sport i rekreaciju „Safet Zajko“ u Halilovićima (po osnovu ugovora br. 02/12-23-22593/17 od 02.03.2018.godine“, putem pregovaračkog postupka bez objavljivanja obavještenja o javnoj nabavci. Poziv za učešće u pregovaračkom postupku broj 02/12-23-25748/18 od 27.12.2018.godine upućen je izvođaču radova Konzorciji: Bosman doo Sarajevo i Process Control doo Sarajevo, za dostavu ponude za izvođenje dodatnih radova u predmetnoj nabavci.

Dana 07.01.2019.godine Komisija je otvorila dostavljenu inicijalnu ponudu koja predstavlja osnov za pregovaranje. Komisija konstatuje da ponuđena cijena za ugovor u inicijalnoj ponudi iznosi 26.733,00 KM bez PDV-a, odnosno 31.277,61 KM sa uračunatim PDV-om.

U toku pregovora Komisija je razmatrala mogućnost smanjenja cijene u inicijalnoj ponudi, te pregovarala sa ovlaštenim predstavnikom grupe ponuđača o istom. U toku pregovaranja, ponuđač je izjavio na zapisnik da ostaje pri predloženoj cijeni u inicijalnoj ponudi. Zapisnici o otvaranju i pregovaranju dostavljeni ponuđaču na fax.

Komisija je ostavila rok od tri dana da se ponuđač izjasni o konačnoj ponudi, te je na osnovu toga ponuđač dostavio Izjavu od 08.01.2019.godine, kojom je potvrdio da je inicijalna ponuda br. 701-0701-ONG-19 od 07.01.2019.godine, ujedno i konačna ponuda sa iznosom 31.277,61 KM sa uračunatim PDV-om.

Komisija je izvršila analizu konačne ponude i utvrdila da ista u cijelosti ispunjava sve uslove tražene tenderskom dokumentacijom i da je ista i računski ispravna.

Nakon svih provedenih aktivnosti, Komisija je konačnu ponudu putem Službe za investicije i komunalne poslove, dostavila Stručno-tehničkom nadzoru na uvid. Nadzor je svojim aktom br. 19-01/19-N od 28.01.2019. godine utvrdio da je konačna ponuda u skladu sa jediničnim cijenama iz osnovnog ugovora i u skladu sa trenutnim tržišnim cijenama.

U toku pregovaračkog postupka postignut je dogovor oko svih uslova ugovora. Iz navedenih razloga, a primjenom člana 64. stava 1) tačka b) Zakona o javnim nabavkama, odlučeno je kao u dispozitivu Odluke.

Pouka o pravnom lijeku

Ponuđač koji je sudjelovao u postupku javne nabavke može radi zaštite svojih prava i pravnih interesa, izjaviti žalbu Uredu za razmatranje žalbi putem ugovornog organa u roku od 10 dana od prijema pismene obavijesti (Odluke) o izboru najpovoljnijeg ponuđača. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila
Enisa Babić, dipl. pravnik

Dostaviti:
1. Ponuđaču
2. Služba za zajedničke poslove
3. A r h i v i / u spis

Općinski načelnik
mr. Semir Efendić

